

四庫全書

子部

欽定四庫全書

子部

普濟方卷四百十九

詳校官太醫院吏目臣吳尊斐

編修臣倉聖脈覆勘

總校官進士臣繆琪

校對官中書臣朱忻

謄錄監生臣曹錫爵

欽定四庫全書

普濟方卷四百十九

明周王朱橚撰

鍼灸門

頭風

療頭風 穴 百會 腦空 天柱

療頭風目眩狂亂風癇左主如花右主如果 穴 神聰

療頭風熱痛頭腫風癇 穴 前頂

療風眩目眩額顱上痛 穴 後頂

療頭風目眩 穴 上星

治頭風目眩面赤腫 穴 前頂

治頭風 穴 下廉 五處 神庭

治風頭眩善嘔煩滿 穴 神庭

治風眩頭痛 穴 天牖 風門 崑崙 關元 關衝

治風眩顏清引領痛 穴 上星

治風頭眩頭痛顏清 穴 顚會

治風頭耳後痛煩心 穴 完骨

治瘡厥風頭重痛 穴 跖陽

治胸中寒如風狀頭眩兩頰痛 穴 俠谿

治風頭痛 穴 腎腧 攢竹 承光 絲竹空

瘛脉 和竅

治頭眩風悶 穴 五處

治風頭熱 穴 合谷 五處

療頭風面腫目眩項強不得轉 穴 天牖

治頭風生白屑多睡

穴 顙會 鍼住以油鹽措髮根頭風永除

治頭風腫痒 穴 肩井 鈎

療頭目眩痛 穴 通理 百會

療頭眩 穴 陽谷

王氏云論頭痛本於大寒內至骨髓則頭風者亦本於風寒入腦耶本氏方論婦人患頭風者十居其半或者婦人無巾以禦風寒焉耳男子間有患之者非頭上少髮必其顙會前頂之髮禿也欲灸頭風先宜

顙會百會前頂等穴其頭風連目痛者當灸上星神
聰後頂等穴予嘗自灸驗效教人灸之亦驗云

治頭風

灸後頂穴在百會後一寸五分強間穴前一寸五
分灸五壯兼治癲疾并搖頭喝者風瘡身體癰疹
灸曲池二穴甲乙經云穴在肘外輔骨屈肘曲骨
之中手陽明脈之所入也各灸三壯

治頭風面腫項強不得迴顧

刺手少陽經天牖二穴在頸筋缺盆上天容後天柱前完骨下髮際上鍼入五分留七呼不先補亦不宜瀉只若灸之面睡眼合取足太陽經諺譎二穴在背腧部第三行肩髀內廉俠第一穴顧下兩傍相去各三寸正坐取之足太陽脉之所發也鍼入六分留三呼瀉五吸後鍼天牖風池其病即瘥若不先鍼諺譎即難瘳其疾也此皆久病流注之法今舉此為例學者宜須審詳

治頭風面虛腫 穴 上星

治目黃頭腫 穴 腦戶

頭痛

治風眩頭痛嘔吐心煩 穴 解谷 承光

治頭痛振寒汗不出 穴 膽腧

治頭痛振寒 穴 大杼

治頭痛風汗不出 穴 瘰門

治頭痛 穴 合谷 天池 絲竹空 四白 天衝

三焦腧 風池

治寒熱頭痛進退瘡瘍恍惚悲愁健忘驚悸

穴 神道

治厥逆頭痛脅滿不得息 穴 陽谿

治厥頭痛面浮腫風逆四肢腫身濕 穴 豐隆

治頭重鼻塞風寒從足少指起脉痺上下帶脅脇痛無常轉筋寒熱汗不出煩心 穴 至陰

治頭痛振寒目黃脇痛 穴 青靈

治腦旋目暉頭痛不可忍煩心嘔吐涎沫發無時項強

不可顧 穴 強間

治頭痛肩急 穴 崑崙

治頭痛頸項急不得顧目眩 穴 風府

治頭項痛 穴 曲池

療身熱頭痛不可反側 穴 顱息

療頭痛甚汗不出 穴 魚際

療頭痛 穴 腦戶

療頭目眩痛 穴 百會 通理

療頭痛如破身熱如火 穴 命門 中衝

療寒熱頭痛善嘔衄肩不舉 穴 溫溜

療醉後酒風發頭重皮膚兩角眩痛 穴 率谷

治頭痛 穴 天柱 陶道 大杼 孔最 後谿亦作本神

治頭重痛 穴 腦戶 腦空 通天

治頭痛如破目痛如脫喘逆煩滿嘔吐汗出

穴 大陵 頭維

治頭痛如錐刺不可動 穴 窓陰 強間

治頭痛寒熱汗不出惡寒

穴 目窻 中渚 完骨 命門 豐隆 太白

外丘 通谷 京骨 臨泣 小海 承筋

陽陵泉

治寒熱頭痛喘渴目大可視 穴 神庭 水溝

治寒熱痺頭痛 穴 消潔

治頭痛 穴 五處

治頭痛筋攣骨重少氣噦噫滿時驚不嗜卧咳嗽煩冤其脈舉之則弦按之石堅氣不足而內著其氣逆而上行謂之腎厥 宜灸關元百壯服玉真丸

治頭痛連齒時發時止連年不已此由風寒留於骨髓以腦為主腦逆故頭痛齒亦痛

穴 曲鬢七壯左痛灸右右痛灸左宜白附子散
治頭痛頭風耳後痛腦空等 穴 小海 完骨

治癲疾頭痛 穴 天衝

素問嘗論有數歲頭痛不已者大寒內至骨髓髓以
腦為主腦逆故頭痛齒亦痛名曰厥逆頭痛亦有腎
厥肝厥頭痛者如本事方所謂下虛者腎虛也腎厥
則頭痛上虛者肝虛也肝厥則頭暉是也皆可隨症
治之若真頭痛則朝發夕死夕發朝死矣人而患此
亦未知要之亦有所自來其在根本不固也若欲著
艾須先百會顙會等穴而丹田氣海等穴尤所當灸
以補養之毋使至於此極也

治風眩偏頭痛

穴 前頂

治風痰頭痛

穴 豐隆

治頭風目眩無所見偏頭痛引目外背急耳鳴好嘔頸

痛

穴 頷厭

治頭偏痛引目外背 穴 懸釐

治頭偏痛

穴 後頂

治頭半寒痛頭眩目痛

穴 玉枕

治頭項偏痛

穴 正宮

治熱病煩滿汗不出頭偏痛引目外背赤身熱齒痛

穴 懸顱

治頭偏痛煩心不欲食

穴 懸釐

治偏正頭痛

穴 絲竹空 風池

合谷

治眉攢內疼痛不可忍者

穴 解谿

治頭眩痛

穴 崑崙 解谿

曲泉 飛揚

前谷 少澤 通理

腦痛

治腦旋

資生經

穴 強間

治頭旋腦痛風腦重目如脫項如拔項強痛不得顧

穴 天柱

治腦風疼不可忍

穴 玉枕

治腦風頭痛惡風寒

穴 承靈

治腦風頭痛不可忍目眩心悸發即為癲風引目眇

穴 腦空

治腦風頭痛

穴 上廉

治腦兩角強痛

穴 率谷

療頭風腦疼 穴 瘡門

療腦疼 穴 風池

治腦風 穴 小海

治口鼻出血不止名腦衄 穴 上星灸五十壯

治腦熱疼甚 穴 顙會 強間

王氏云患腦熱疼甚則自床投下以腦柱地或得冷水粗得而疼終不已服諸藥不效人教灸顙會而愈熱痛且可灸况冷疼乎凡腦痛腦旋腦鴻先宜灸顙

會而強間等穴蓋其次也

頭旋

治忽頭旋資生經

穴 目窻

治頭旋腦重 穴 天柱

治頭旋耳鳴 穴 絡却

治坐如在船車中 穴 申脉

王氏云母隨赴任為江風所吹自覺頭搖動如坐舟車上如是半年乃大吐痰偏服痰藥并灸頭風諸穴方愈

治頭風搖動 灸腦後玉枕中間七壯

治失枕頭重如石 穴 玉枕

治頭痛 穴 百會 治頭重眩運 穴 陶道

治腦重鼻塞頭目眩疼 穴 百會

治頭重 穴 率谷 又穴至陰 又穴腎腧

治頭重痛 穴 眇陽 腦戶

治頭重不能起 灸腦戶下一寸半

治頭重風勞 穴 腦戶灸五壯

頭腫

治頭腫

資生經

穴 腦戶

療頭風熱痛頭腫極即以三稜針刺之繞寸口下其頭

痛腫立瘥

穴 前頂

療頭風頭腫皮腫面虛鼻塞頭痛

穴 上星

治頭皮腫生白屑

穴 顚會

治項痛

穴 曲差

治頭面腫

穴 公孫

治頭面氣腫

穴 完骨

頸項強

治頸項腫寒

資生經

穴 腕骨 陽谷

治頸腫寒熱

穴 丘墟

治寒熱頸痛瘰癧

穴 大迎

治項痛

穴 窦陰 消潔

治項腫不可俛仰頰腫引耳後

穴 完骨

治頸項強不可俛仰

穴 大杼

京骨

治頸項不得顧

穴 肩井 魂戶

治頸項痛 穴 完骨 領厭

治頸項強痛 穴 本神

治癆瘡頸項痛不得顧 穴 風池

治頸項轉側難 穴 通天

治頸項強不得顧 穴 腰車 大椎 氣舍

腦空

治頸項筋急不得顧 穴 天柱

治項氣悶腫食不下 穴 人迎

治頸項痛惡風寒 穴 後項 外丘

治頸項急不得顧 穴 斷交 風府

治頸項強 穴 臂臑 強間

治項強急痛不可顧 穴 少澤 前谷 後谿

陽谷 完骨 崑崙 小海 攢竹

治項如拔不可左右顧

穴 消潔 本神 通天 強間 風府 瘡門

天柱 風池 斷交 天衝 陶道 外丘 通谷

玉枕

療項如拔 穴 強間 又穴天柱

治頸腫項痛不可顧 穴 天容 前谷 角孫

腕骨 支正

治頸項癱腫不能言 穴 天容

治頸項疼歷節汗出 穴 飛揚 涌泉 頸厭

後頂

治頸項柱滿 穴 角孫

治頸項癱腫不能言及瘻肩不舉 穴 浮白

療心煩滿汗不出頭項痛身熱目視不明 穴 曲差

治頭痛重暫起僵仆 穴 通天

治項強不得顧 穴 痞門

治項痛 穴 玉枕 完骨

療頭痛及項急不可傾側

療脇痛頸腫寒熱

療身寒熱頸腫喉中鳴翕翕胷中氣梗梗 穴 天突

療頸項及肩背痛 穴 天井

療頸項不得顧引牙齒痛口噤不能言 穴 曲鬚

面腫

治面惡風寒頰腫痛資生經 穴 巨邪

治頭風面虛腫 穴 上星 天牖

治目眩面腫及治面赤暴腫 穴 顙會

治面赤腫 穴 前頂

治頭面浮腫痛引目外脣上赤痛 穴 目窻

治頭面浮腫 穴 完骨

治面腫唇動狀如虫行 穴 水溝

風水四腫鍼此穴出水盡頃愈

治面痺腫 穴 迎香

治風壅面浮腫目不閉唇吻瞓動不止

穴 人迎鍼之頓愈

治面浮腫唇吻不收瘡不能言口噤不開 穴 合谷

治面虛腫 穴 溫溜

治面腫 穴 豐隆 承漿 陽交

治寒瘞面腫足骭寒 穴 厥兌

治面浮腫 穴 陷谷

治飲酒面赤 穴 大輸

治頭風面赤 穴 解谿

治面赤腫頭痛 穴 腦戶

療面浮腫 穴 厥兌

療面腫 穴 水溝 天牖

療頭面虛腫 穴 陷谷

治肺風面赤目視旒旒項強不得顧面腫皮軟腦疼

穴 風 池

治面赤腫 穴 上星 顙會 前頂 腦戶

風池

治卒面腫 穴 陷谷 上星 顙會 前頂

公孫

治面腫 穴 滯谷 陽陵泉 天樞 中府 解谿

有人因入水得水腫四肢皆腫面水腫人為炙水分

并氣海翌朝視其面如削矣蓋水腫亦可灸水分云

面痛

治面赤頰中痛

資生經

穴 攢竹 斷交 玉枕

治顳額痛領顱痛面赤

穴 中渚

治面皮赤痛 穴 懸釐

治面赤熱 穴 腎腧 內闢

治面皮熱 穴 天窓 天突

治面赤目黃 穴 腦戶

治面膚赤痛 穴 懸顱

治面蒼黑 穴 行間

治面赤 穴 支溝 間使 拔門

治面赤 穴 解谿 療冷病面黑 穴 氣海

治面黑 穴 關衝 療面黃黑 穴 腎腧

治目眩面腫 穴 顙會

治目眩面赤腫小兒頂腫 穴 前項

目痛

治目瞳子痛痒

資生經

穴 陽白

治下背痛 穴 太衝

治目急痛赤

穴 太衝

陽谷 崑崙

治目赤腫痛 穴 曲泉

治目痛赤 穴 陽谿 陽谷

治目外眞赤痛逆寒淚出目痒 穴 俠谿

治目眞傷 穴 三間

治目痛不能視先取諺諻後取天牖風池

穴 風池 腦戶 玉枕 風府 上星

治目痛視如見星 穴 照海

治目如脫 穴 天柱 陶道 崑崙

治目痛如脫 穴 太陵 頭維

治目急痛 穴 前谷 三間

治頭目痛目眵 穴 陽白

治頭面浮腫痛引目外背上赤痛忽頭旋目睭睭視不

明 穴 目窻

治目睛不能遠視 穴 上星 腦戶

治目痛不能視目痛如脫 穴 玉枕

療頭風目如脫 穴 天柱

療目痛 穴 心腧 陰蹻

療頭眩眼痛 穴 飛揚 陽谷

療目內攣絲急痛失枕頭重項痛風眩目痛頭寒多汗

耳聾鼻塞 穴 玉枕

治目痛僻戾目不明 穴 四白

治目痛不明

穴 斷交

治眼痛

穴 下廉

治眼痛不可忍

刺足少陽經風池二穴

手陽明合

谷二穴立愈

治目痛

穴 前谷

治風癢赤痛

穴 人中 鼻柱灸二壯

治頭目痛

穴 通理 百會 後頂

治目如拔

穴 崑崙

治頭重目眩

穴 陶道

治目瞑視 穴 天柱

治頭風目瞑腦風頭痛 穴 腦空

治頭眩目瞑遠視眊眊 穴 天府

治目瞑身汗出 穴 承漿

目微澀痛或兩傍生小米珠頻去其睫自愈不必鍼灸

治目不得閉 穴 大迎

治目眩遠視眊眊 穴 目窓

治雙目眊眊 穴 偏歷

夫眼生倒睫拳毛者兩目緊急皮縮之所至也蓋內被熱致陰氣外行當去其內熱并火邪眼緩則眼毛立出翳膜亦退

用手法攀出內臉向外

刺以三棱針去血以左手爪甲迎其鍼鋒立愈
治目眊歲久赤爛俗呼為瞎是也

當以三棱鍼刺目眊外以鴻熱立愈

治雙目眴眴少氣

灸五里右取左左取右

治乾勞邪氣眼赤

灸當陽二穴百壯

治目急痛不可遠視

灸當陽

治傷寒目瞑

穴 風門

目上視

治目反上視若赤痛從內背始

資生經

穴 申脉

治目絲急目上挿

穴 陽白 上星 本神

大都 曲泉 俠谿 三間 前谷 攢竹 玉枕

治目上挿憎風寒 穴 絲竹空 前項

治目上視不識人 穴 神庭 顙會

治目上視 穴 肝俞

療目轉上及目瞪上垂 穴 筋縮

治目瞤動與項口相引甲乙云目瞤動與頭口參相引

喝僻口不能言 穴 承泣

治口喝面赤目黃眼瞤動不止頸腫齒痛 穴 顎髎

治眼瞤動不止目不得閉 穴 地倉

治眼瞼瞤動 穴 攢竹

治眼目不明淚出目眩脣腫瘻遠視眊眊昏夜無見目

瞤動 穴 刺承泣

治眼戴睛上挿眼反戴眼

目淚出

治目淚出資生經 穴 拨門 前谷 後谿 腕骨

神庭 百會 天柱 風池 心俞 天牖

治目淚多眵曠 穴 肝俞

治淚出目痒 穴 俠谿 治目淚出 穴 承泣

治目淚出 穴 行間 神庭 治多淚 穴 臨泣

治目淚眵汗出背赤痒痛生白翳 穴 斷交

治目淚出欠氣多 穴 風池

治氣眼冷淚 穴 睛明

治目瞓冷淚 穴 承泣 治風淚出 穴 頭維

治目淚生翳 穴 腕骨

療目泣出 穴 行間 魚際

治目遠視不明惡風目淚出憎寒頭痛目眩骨內皆赤

痛遠視眊眊無見背痒痛淫膚白翳

穴 晴明

治目淚出 穴 行間

治目痛淚出甚者如脫 穴 前谷

目眩

治頭重目眩善驚引軀劖頸項痛目眊眊

資生經

穴 通谷

治目眩

穴 神庭 上關 漏泉 譴語

束骨 魚際 大都

治目眩頸項強急脅痛相引不得轉側 穴 本神

治頭目眩 穴 飛揚 肺腧

治目眩循眉痛 穴 肺腧

治目眩頭痛目赤視物矇矇風癇目戴上不識人眼瞼毛倒發狂吐涎沫發即無時 穴 絲竹空

治目眩遠視睽睽 穴 天府

治目眩頭痛 穴 支正 三焦腧

治目眩 穴 風池 治身熱目眩 穴 風門

治頭風目眩淚出 穴 神庭

治目眩睛痛不能遠視 穴 上星

治頭風目眩戴上 穴 前頂 五處

治目眩鼻塞目生白翳 穴 臨泣

治頭痛目眩眼白翳微風目瞤動不息 穴 四白

治風赤眼頭痛目眩澁 穴 前關

治頭痛目眩身熱肥肉動 穴 束骨

治目眩淫淫 穴 前谷

治頭痛目眩 穴 四白 湿泉 大杼

治頭目風眩眉頭痛瞤瞤目眊眊無遠見 穴 攢竹

治頭目眩 穴 頣會

岐伯灸頭旋目眩及偏頭痛不可忍牽引眊眊不遠視

灸兩眼小背上髮際各一壯立瘥

治酒醉風熱兩目眩痛 穴 率谷

治目眩 穴 大都

治目眩暝

穴 承漿

前頂

天柱

腦空

目窓

治目眩目如脫

又云瘧多汗目如脫項如拔

穴

天柱

陶道

崑崙

治目不欲視太息

穴 大敦

治頭痛目不可視

穴 水溝

神庭

治目眩

穴 承泣

治目眩疼

穴 通理

百會

治目眩

穴 臨泣

中渚

治目眩 穴 頸厭

治目眩枕骨頭顱痛惡寒 穴 臨泣

治頭痛頸項急目眩 穴 風府

目不明

治目眩資生經 穴 腎腧 偏厯 後頂

治目眩視物不明眼中赤痛及臉瞤動又云三度以細稜鍼刺之目大明 穴 攢竹

治目視不明 穴 養老 合谷 曲差

治寒熱目視不明 穴 眉中腧

治目不明 穴 風池 五處

治眼昏頭旋目睂睂遠視不明 又云三度刺目大明

穴 目窻

治起則目睂睂 穴 復溜 肝腧

治偏痛目視物不明 穴 頭維

治目不明 穴 三里

人年三十以下不灸三里令氣上衝
目又云令氣上眼暗蓋三里氣下也

療目無所視偏頭痛引目外背急 穴 領厭

療目眊眊 穴 攢竹 腎腧 崑崙

療目不明惡風寒頭目眩痛 穴 後頂

療目生白翳氣短嗜血目上視多怒狂衄目眊眊

穴 肝腧

療目黃遠視眊眊 穴 脫堂

治目不明 穴 天牖

治目眩目不明目如脫 穴 天柱 陶道 崑崙

治目不明淚出目眩晉瞳子癢遠視眊眊昏夜無見

穴 承泣

治目瞳子痛痒遠視眊眊昏夜無見 穴承泣 陽白
治目眊眊不明惡風寒

穴 腎腧 胃腧 心腧 百會 內闢 復溜
太泉 腕骨 中渚 攢竹 晴明 委中
崑崙 天柱 本神 太杼 領厭 通谷

曲泉 後頂 絲竹空

治目痛不能視 穴 風池

治肝虛目不明

穴 肝腧二百壯小兒斟酌可灸一二十壯

資生經云戒人喪明之由生食五辛積熟飲刺頭
出血過多極目遠視夜讀注書久處烟火博奕不休
日沒後讀書飲酒不已熟食麪食抄寫多年雕鏤細
作泣淚過多房室不節數向日月轉看月下讀書夜
視星月極目瞻視山川草木一十
八件又有馳騁田獵冒
涉風霜迎風走獸日夜不息者並是傷目之由也其

讀書博奕等過度患目者名肝勞若欲治之非三年
閉目不視不可得瘥徒自濶肝及作諸治終是無效
又云讀書之苦傷肝損目誠然晉范甯嘗苦目痛就
張湛求方湛戲之曰云云指讀書一減思慮二專內
視三閒外觀四日早起五一更早眠六亢六物煎以
神火下以氣血蘊於胸中七日然後納諸方寸修之
一時近能數其目睫遠視尺箋之餘長服不已洞見
牆壁之外非但明目乃亦延年審如是而行之非可

謂之嘲戲寶奇方也以其勸解人有理故備載之以示後人

治眼暗

大椎數節第十當脊中安灸二百壯以多為佳最驗又云人年三十以上若不灸三里令氣上衝目千金云讀書博奕等過度患目者名肝勞若欲治之非三年閉目不視不可得瘥徒自鴻肝及作諸治終是無效則是目者不可使之勞也古人蓋有養之之

法如彭真人龜年嘗患目疾不計畫夜瞪目注視以去昏暗閉之少頃依法再行積久而視秋毫徐真人嘗患目疾暗室正坐運睛旋還八十數閉目集神再運如數而神光自現壯如金輪永除昏暗施真人自記歌亦云運睛除目暗此見抱朴子皆養之之法也若

用藥則地黃丸羊肝丸等與連翹當歸芍藥黃連等分為末以雪水煎濃汁乘熱頻洗之最佳

治癲風引目眇

穴 腦空

目翳膜

治目翳 穴 至陰

治目翳瞳子不見視不明了 穴 丘墟

治目眞爛有翳又治目赤有翳 穴 後谿

治目中白翳 穴 前谷 京骨

治目反白白翳從內眞始 穴 京骨

治目淚出多瞞眵內眞赤痛痒生白膚翳

穴 肝腧 上星 風池 晴明 斷交 承泣

四白 巨竅 瞳子竅

治目生白膜 穴 承光

治目生白膜 又治目眩生白翳 穴 臨泣

治攀睛翳膜覆瞳子惡風淚出目內眞痒小兒雀目
瘡眼大人氣眼冷淚瞖目視物不明背努肉侵睛及治
膚翳白膜覆瞳子眼睛雀目疼 穴 晴明

治白翳膚覆瞳子 穴 巨髎

治白翳膚覆瞳子 穴 少澤

治目中翳膜 穴 丘墟 瞳子髎

治目眩生翳膜 穴 中渚

治目生白翳

穴 臨泣 腕骨 斷交 肝俞 四白 關衝 前谷

治睫目眊眊 穴 上關 偏歷

治目生白翳眼眥赤筋缺盆中引痛 穴 大淵

治目風赤爛有翳 穴 陽谿

治目生膚翳 穴 角孫

療目翳睭睭 穴 至陰

療目不明生白翳 穴 合谷

張仲文療風眼卒生翳膜兩目痛不可忍

灸手中指本節頭節頭尖上三壯炷如麥左灸右

右灸左

治目中白翳 穴 前谷

治白膜覆珠子無所見 穴 解谿

治目卒生翳 灸大指節尖三壯左灸右右灸左

療目生白翳 穴 肝膽 解谿

治澁目 穴 水溝

王氏曰予遊學會稽絕早觀書辰牌方食久之患
目澁倦遊而歸舍遺以鹽精數次揩目而疾除鹽
精且爾則青鹽之能治目故也古方蓋用青鹽揩
牙因掬在手洗目而明矣鹽精乃鹽食地下之精

英

目赤

治目內眥赤痛

資生經

穴 懸釐

治眼赤痛

穴 攢竹

治目內眥赤痛氣發耳塞目不明

穴 風池

治目赤

穴 崑崙

太淵 陽谿

治目外眥赤目眩

穴 俠谿

治目赤澁暴痛

穴 液門

治目赤支滿

穴 內關

治目赤

穴 目窻 太陵

治目內眞赤痛痒 穴 上星 肝膽

治目赤腫痛 穴 申脈 太衝 曲泉 陽谿

治目眞赤爛 穴 束骨 京骨

療風赤眼 穴 前闕

治目赤痛從目眞起 穴 陰蹻

治目赤 穴 晴明 後谿 目窓 瞳子髎

治肝勞邪氣赤眼 穴 當陽灸百壯

治目痒赤 灸人中

治目黃 穴 腦戶 膽腧 意舍 陽綱

治目黃振寒 穴 太陵 中管

治黃疸目黃 穴 勞宮

治目青而嘔 穴 期門

治目中白睛青 穴 太泉

治目黃 穴 青靈

治目赤黃 穴 額竅 內關

治背爛赤 穴 束骨

青盲

治青盲無所見

資生經

穴 商陽 巨竅

上關

瞳子竅

絡却

承光

治目青

穴 太泉

期門

治青風內障目無所見

穴 絡却

治青盲目無見遠視眊眊白翳覆瞳子

穴 巨髎

治青盲目無見遠視眊眊目中翳膜頭痛目外眞赤痛

穴 瞳子髎

治目青盲 穴 商陽 左灸右右灸左

治疳眼 穴 晴明

治熱病瘥後食五辛多患眼闇雀目冷淚 穴 肝腧

耳鳴

治耳鳴聾資生經 穴 上關 下關 四白 百會 顱息

翳風 耳門 領厭 天窓 陽谿 關衝 液門 中渚
治耳聾嘈嘈若蟬鳴

穴 天容 聽會 聽宮 中渚

治領痛引耳嘈嘈耳鳴無所聞

穴 腕骨 陽谷 肩真 窮陰 俠谿

治耳鳴 穴 前谷 後谿 偏歷 太陵

治耳中聾鳴刺一分留一呼灸三壯左取右右取左如

食頃 穴 偏歷 太陵 商陽

治耳鳴耳聾 穴 百會

治頭旋耳鳴 穴 絡却

治耳鳴嘈嘈無所聞 穴 浮白

治耳中嘈嘈 穴 和髎

治耳中如蟬鳴 穴 上關

治耳中如蟬聲 穴 耳門

治耳鳴蟬聲 穴 聽會 聽宮

治頭風耳鳴 穴 慲脈

治耳鳴

穴 偏厯 陽谿 商陽 絡却 腕骨 前谷

治耳鳴 穴 領厭

治耳鳴無聞 穴 肩真

人之耳鳴醫者皆以為腎虛所致是則然矣然亦有因氣而得者用心而得者不可一槩論也若欲無此患蓋亦不使腎至於虛且不使氣不用心可也或微微耳鳴只用葱管寘在耳中令氣透自不鳴矣

耳痛

治耳痛資生經 穴 上關 下關 四白 百會 顱息

翳風 耳門 風池 頷厭 天窓 陽谿 關衝

液門 中渚

治耳前痛 穴 少商 治耳痛 穴 曲池

治風耳後痛 穴 癒脉 完骨

耳聾

治耳暴聾資生經 穴 天牖 四瀆

治耳渾渾淳淳聲無所聞 穴 外關 會宗

治耳中風聾鳴 穴 商陽

治耳不聽暴聾 穴 天牖

治耳鳴聲狀如蟬聲 穴 上關

治耳鳴耳聾 穴 商陽 陽谷 百會

治耳聾 穴 束骨 髒風 上關 後谿 顱顎

治耳塞 穴 風池 治耳聾腎虛 穴 腎腧

治耳聾耳中如蟬聲無所聞 穴 聽會

治耳聾如物傾塞所聞耳中嘈嘈 穴 聽宮

治耳鳴聲無所聞 穴 外關 天窓

治卒耳不聞人語 穴 窦陰

治耳暴聾 穴 三陽絡 液門

治暴氣耳 穴 四瀆

治頭痛耳聾兩顳顫痛 穴 中渚

治耳聾 穴 會宗

治頰頸腫耳聾胸痛不可轉側無常處耳鳴聾

穴 俠谿

治耳聾嘈嘈無所聞 穴 浮白

治耳聾 穴 玉枕

治耳鳴聲 穴 耳門 翳風 腦空

治耳淳淳渾渾無所聞

穴 聽會 外關 輩筒矣耳病

見中風不語

治耳聾 穴 肩真 刺足少陰

治暴耳聾 穴 天牖

耳聾有因氣得者快則通傷寒用衣被擁塞得者
病去漸愈鄉人割耳草取汁用新羅百草煮粥食亦

驗云

治耳病

作泥餅子厚半分覆耳上四邊勿泄氣以筋刺泥餅作一小孔以艾灸百壯候耳痛不可忍即側耳倒傾黃水出盡即愈若泥乾數易之。又截箭筈二寸內耳中以麪擁四畔勿令泄氣灸筈筒上七壯。又搗豉作餅填耳內以地黃長五寸削一頭令尖納耳中與豉餅底齊上着荷葉蓋之剜一孔如筋頭透餅於

上灸三壯

治耳聾耳鳴

刺手少陽經翳風二穴 次鍼足少陽經聽會二穴

聰耳

治聰耳有膿汁出

資生經

穴 下關

治耳塞

穴 風池

治耳如物塞

穴 聽宮

治聰耳膿出

穴 上關日灸三壯至二百壯

治耳有膿汁出生瘡竈耳聰耳耳鳴如蟬聲重聽無

所聞 穴 耳門

鼻塞不利

主鼻窒喘息不利鼻喎僻多涕鼽衄有瘡

資生經

穴 風府 曲差 上星 迎香 素竈

水溝 斷交 通天 未竈

主鼻窒喘息不通 穴 承靈

主鼻不利涕黃 穴 前谷 厥兌 京骨

治息肉不利 穴 斷交 治不知香臭 穴 天柱

治鼻聞焦臭 穴 中管 療頭疼鼻塞 穴 眉衝

療鼻塞 穴 玉枕 百會 明堂 當陽 臨泣

療鼻息不聞香臭 穴 迎香

療鼻不得息 穴 風府

療鼻塞不聞香臭 穴 天牖

又穴 顙會 若是鼻塞灸顙會日七壯至四日漸退五日頓愈

上星

百會 承光

治鼻塞悶 穴 通天 臨泣

治鼻塞不通 穴 步郎

治目眩鼻塞 穴 臨泣

治鼻塞不利 穴 前谷 斷交

治鼻衄息不利 穴 承靈

治鼻塞息肉不消多涕成瘡 穴 素髎

銅人云素髎穴諸方闕治療法千金治鼻塞息肉
不消多涕生瘡而今之千金只云主鼻喎僻多涕
鼽衄有瘡又云主鼻窒喎息不利與此文稍異豈

古今本不同耶

治惡風鼻不利 穴 厥充

治不知香臭 穴 水溝

鼻有息肉

治鼻中息肉不利 鼻頭額頰中痛 鼻中有瘡

穴 斷交

治厲鼻 穴 腦空

治鼻息肉 穴 上星灸二百壯 又灸頰上星兩

旁相去各百壯

治鼻有息肉不聞香臭衄血

穴迎香

治鼻中息肉瘡瘍

穴斷交

治息肉不消多涕成瘡

穴素髎

治鼻中息肉

穴顴會灸七壯 又通天灸七壯左臭灸右右

臭灸左左右臭皆灸之曾用此法灸數人皆於鼻

中去臭積一塊如朽骨臭不可言去此全愈

鼻涕出

療頭風多鼻涕鼻塞 穴 明堂

療鼻窒口僻鼻多清涕出不可止鼽衄有瘡

穴 未竅

療鼻衄多涕 穴 崑崙

療衄不止鼻垂清涕 穴 風門

治鼻洞涕生瘡 穴 未髎

治鼻衄出清涕 穴 風門

治口渴鼻生清涕 穴 通天 承光

治頭風目眩鼻出清涕目出淚 穴 神庭

治鼻鼽清涕出

穴 通谷 神庭 攢竹 迎香 風門 合谷

至陰

治鼻喎僻多涕 穴 曲差

治多嘔 穴 風門

主鼻不收涕不知香臭 穴 天牖 水溝

主涕黃 穴 前谷 厲兌 京骨

治多涕 穴 素髎

治鼻中乾鼻衄等凡二十二病 穴 絶骨皆灸五十壯

王氏云母氏久病鼻乾有冷氣問諸醫者醫者亦不曉但云病去日愈既而病去亦不愈也後因灸絶骨而漸愈矣予亦嘗患此偶絶骨疼而着艾鼻乾亦失去初不知是灸絶骨之力後閱千金方有此證始知鼻乾之去因絕骨也若鼻涕多因灸顙會前頂大

人小兒之病初無以異焉耳

治時時嚏不止 穴 風門 五處

療好嚏 穴 領厭

鼻痛

主鼻管痘發為厲鼻 穴 腦空 寂陰

治涎出鼻中痛 穴 復溜

治面風寒鼻頃上腫癰痛 穴 巨髎

治鼻中酸 穴 肝腧 治額頰中痛 穴 斷交

療鼻準上腫癰痛 穴 巨竈

療鬼擊鼻出血 穴 人中 水分 陰交

鼻効

治鼻鼽 穴 神庭 治鼽衄有瘡 穴 曲差

治鼻衄窒喘息不通

穴 承靈 風池 風門 謙譎 後谿

治頭熱鼽衄

穴 中管又云中管主鼻間焦臭 三間 偏歷 偽兌

普濟方

承筋 京骨 崑崙 承山 飛揚 隱白

治鼻中衄血不止 淋渫 穴 京骨 申脉

主衄血嘔血 穴 郊門

治衄血劇不止 穴 隱白

治衄不止 穴 湧泉

主鼻不得息及衄不止 穴 水溝 天牖

主衄血不止 穴 天府鍼四分

治鼻衄 穴 上髎 後谿 風府

治諸陽熱氣盛衄血不止 穴 痘門

治衄血頭重 穴 通天

治衄血不止 穴 未髎 允端 勞宮

治衄血 穴 曲泉 隱白 譴譖 陰郄 迎香

治衄血 穴 偏歷 合谷 二間 崑崙 通谷

治衄血喘呼小腹痛攻咽喉 穴 曲泉

療衄血不止 穴 太谿 隱白 風門 允端 腦空

療鼽衄有瘡 穴 禾竈

療鼽衄 穴 攢竹

治鼻出血不止名腦衄 穴 上星

灸五十壯

徐德占教衄者急灸項後髮際兩筋間宛宛中三壯
立定蓋血自出入腦注鼻中常人以綿勒頸後尚可
止衄灸效無疑

治腦衄 穴 上星 灸五十壯

王氏云母忽患鼻衄急取藥服九平昔與人服有効
者皆不效因閱集効方云口鼻出血不止名腦衄灸

上星五十壯尚疑頭上不宜多灸只灸七壯而止皆復作再灸十四壯而愈有人鼻常出膿血後以予效灸顙會亦愈則知顙會上星皆治鼻衄云

治鼻衄 穴 絶骨 治衄血 穴 前谷

治溫瘧肩背痛目眩鼻衄喘逆腹脹肩膊內廉痛不可俛仰 穴 譽誦 治鼻鼽 穴 風門

治衄時痒痒不止 灸足大指節橫理三毛中十

壯劇者百壯衄不止灸之瘥并治陰卵腫 又灸

風府一穴四壯不止又灸或湧泉二穴各百壯又
以弓張絃向上病人仰卧枕絃放四體如常卧法
治衄而下衄血流

取足太陽大鋸衄取手太陽不已刺腕骨下不已
取膾中出血

治鼻衄不止 穴 合谷 內庭 瘰門

治鼻衄漏血不止

項後髮際兩筋間陷者中三壯又云炎髮際一穴
五七壯麥粒大

治卒鼻衄

灸手大指端骨七壯隨血左右
治脉浮大鼻中燥如此必去血鼻衄

灸兩臂中脉取止取臂脉法以臭臂點其鼻所着
處是穴兩臂皆爾

口緩

治唇吻不收

資生經

穴合谷水溝

治失欠頰車蹉

背第五椎一日灸二七壯滿三日未瘥灸氣衝二百壯胸前喉下甲骨中是亦名氣堂又灸三陰交百壯三報之

治數欠頻仲 穴 通理

治口失欠下牙齒痛 穴 下關 大迎 翳風

治喜頻伸數欠惡聞人音 穴 內庭

治數欠 穴 漏谷 治數欠不得息 穴 太淵

治數欠 穴 經渠

治目淚出欠氣多 穴 風池

治口緩不收不能言 穴 地倉 大迎

治失欠 穴 翳風 通谷

治舌緩 穴 風府 又穴瘡門

治口閉 穴 崑崙 治不能言 穴 翳風

治失欠 穴 完骨

治數欠 穴 通理二穴甲乙經云手少陰絡在腕
後一寸足手太陽各灸五壯炷如半棗核大又灸

足內踝上三寸宛宛中或三寸五分百壯三報此
三陰交穴也

口瘡癰

治瘡資生經 穴 合谷 水溝

治不能言 穴 承泣 地倉 大迎 魚際 通理

治瘡不能言 穴 腦戶

療失音 穴 孔最 瘡門

療瘡不能言 穴 風府 承漿

治失音 穴 聽宮

療暴瘡不能言 穴 翳風 通理

療失音 穴 頰車

治瘡不能言 穴 陰郄

治瘡不能言 穴 間使 合谷

治暴瘡氣哽又云暴瘡咽腫食不下喉鳴 穴 天鼎

治暴瘡不能言口噤 穴 靈道 天突 天窓

治暴瘡 穴 支溝 通谷 三陽絡

治牙關不開口噤不語失音牙關痛領頰腫

穴 頰車

治言語不正 穴 日月

治舌下腫難言舌癰涎出 穴 廉泉 然谷 陰谷

治舌緩瘡不能言舌急語難 穴 風府

治暴瘡不能言

穴 支溝 天窓 扶突 曲鬚 靈道

治舌卷不能言 穴 復溜

治不能言 穴 通理

治頸上氣失瘡不能言舌急 穴 魚際

治頸項強舌緩不能言失瘡不能言舌急 穴 瘰門

瘻門一名舌本一名舌厭督脈揚維之會入繫舌本
則是穴也其舌本所繫歟凡舌緩不能言者宜治此

治舌下腫難言縱言涎出欬嗽上氣喘息嘔沫口噤舌

根急縮下食難 穴 廉泉 廉泉一名舌本蓋

舌之根本也故能治舌下腫難言舌縱涎出根急縮

諸病與千金方所療略同凡有此等疾者宜鍼灸此穴

治舌強不能言 穴 大迎

口眼喎

治口喎僻不能言

資生經

穴 承泣 四白 巨竈 上關 大迎 顴骨

強間 風池 迎香 水溝 素竈

治口僻痛惡風寒不可嚼 穴 腮車 顴竈

顴竈

治口不能禁水漿喝僻 穴 水溝 斷交

治風頭耳後痛煩心足失履口喝僻 穴 完骨

治偏風口目喝 穴 上關 下關

治口喝鼻多清涕風眩頭痛 穴 承光

治口喝鼻多清涕衄血頭重 穴 通天

治口面喝 穴 完骨 列缺

治口眼喝斜失欠脫頷口噤不開食不能言頰腫牙車痛

穴 翳風

治偏風口喎 穴 承漿

治癲癇口喎 穴 巨髎

治口喎眼瞤動 穴 瞼髎

治口眼喎斜目瞤面葉葉動牽口眼目視眊眊冷淚眼

眥赤痛 穴 承泣

治偏風口喎目不得閉失音不語飲食不收水漿漏落
眼瞤動不止病左治右右治左

穴 地倉 承漿

艾如粗釵脚大若大口
轉喎却免七壯始愈

治口喝四肢逆冷噦乾煩渴瞋不欲視目淚出太息

穴 行間

治失欠口喝食飲善嘔暴瘡不能言 穴 通谷

治口喝 穴 溫溜 偏歷 二間 內庭

治偏風口眼喝肘腫齒齲痛寒熱

穴 衝陽

治口僻 穴 和竅

治口喝 穴 列缺 地倉

治口僻面風寒鼻準上腫癰痛招搖視瞻瘛瘲

穴 巨竈

治僻風口喝失瘡不言不得飲水食漏落脈瞤動

穴 地倉 大迎

治風中脉口眼喝斜其狀喝向右者謂左邊脉中風而緩宜灸左喝左灸右炷如麥粒各二七壯頻灸取盡風氣 穴 聽會 頰車 地倉各二穴

治喜齧頰 穴 光明 臨泣

治自齧頰唇 穴 京骨 陽谷

治口瘡舌下腫難言舌縱涎出舌根急縮

穴 廉泉灸三壯 次鍼湧泉二穴

治口中齒痛惡寒頸腫

穴 商陽

治口僻

穴 偏歷

治口齒痛

穴 溫溜

治口舌生瘡失欠頰車蹉及治咽喉腫痛

灸背第五椎一日二七壯滿三日未瘥灸氣衝二

百壯胸喉下甲骨中是亦名氣堂又灸足內踝上
三寸宛宛中前或三寸五分百壯二報此三陰交

穴也

口舌乾苦

治口舌乾飲不下

資生經

穴 膽腧

商陽 小腸腧

治口熱口乾口爛

穴 勞宮

少澤 三間

太衝

治咽乾口熱唾如膠

穴 少澤

大谿

治口乾

穴 穴

曲澤

章門

治舌卷口乾

穴 穴

少陰

治口苦嗌乾介介然

穴 穴

陽陵泉

治舌卷口乾心煩悶 穴 關衝

治身熱煩渴口乾 穴 曲澤

治口乾 穴 三間 肺腧 不容 章門 商陽

竅陰 兮端

治口苦舌乾又治食不下口舌乾 穴 膽腧

治舌乾 穴 復溜 大鍾 尺澤

治唇乾涎出不覺 穴 下廉

治口中熱 穴 少衝 大鍾

治口乾 穴 肝腧 少澤 曲澤

治大人小兒口中腥臭胸脇肢滿又主老小口中腫腥
臭及療小兒斷爛臭 穴 勞宮

治口熱咽酸 穴 少衝 治口乾 穴 曲澤

口齒疳瘡

治口齒疳蝕生瘡資生經 穴 承漿

治牙斷腫 穴 天衝

治齒斷腫小兒疳濕瘡 穴 角孫

史記齊大人病斷齒太倉公灸其左太陽明脉即為
苦參湯日漱三升出入五六日病已得之風及卧開
口食而不噉

治牙車急 穴 完骨 治牙車痛 穴 翳風

治牙車脫 穴 下關

治牙關不開 穴 水溝 上關 頰車

治牙車引急頭重痛耳中嘈嘈頷頰腫 穴 和髎

治牙車脫臼相離三寸及治牙車急痛不得嚼食

穴 聽會

唇頰腫痛

治唇吻不收

資生經

穴 合谷

治緊唇不能開合

灸虎口男左女右

療唇口乾

穴 三間

治唇乾涎出

穴 下廉

治喜噉頰

穴 光明 足臨泣

治頰腫痛

穴 巨竅 天窓

治自噦唇 穴 京骨 陽谷

治頷痛 穴 脫骨 治唇腫痛 穴 迎香

治牙痛唇吻急強 穴 正營

治唇吻強 穴 上關 兮端

治唇吻瞓動 穴 大迎 治唇腫 穴 膾窓

太衝 治頰腫 穴 完骨

治頷頰腫 穴 俠谿 和髎 頰車

治頷頰腫引牙車不開急痛口噤不能言 穴 曲鬚

治頰頷腫 穴 大迎 治脫頷頰腫 穴 翳風

治頸項腫寒熱 穴 腕骨 陽谷

治頷腫 穴 支正 治腮頷腫 穴 少商

治頰頷腫瘰癧 穴 手三里

治頤頷腫齒痛惡寒肩背急相引缺盆痛目青盲

穴 商陽灸三壯右取左左取右食傾立已

治頰腫痛 穴 天窓 治頰痛 穴 攢竹

治頰頷注滿 穴 角孫

治胸膈滿悶頸下腫善噏
人 穴 臨泣

治面腫唇動葉葉肺風狀如虫行及治不能言口噤
不開 穴 水溝

資生經云孝襲與稱武德中出鎮潞州甄權以新
撰明堂示予時有刺史成君綽患頸腫如數升喉
中閉塞水粒不下三日矣余屈權救之針其右手
次指之端如食頃氣息即通明日飲嗽如故按銅
人云少商穴在手大指端內側去爪甲角如韭葉

成君綽頸領腫大如升甄權針之立愈病狀少異功
効實同但李云次指端銅人云大指端未知孰是果
針少商當在大指端也姑兩存之以俟識者

舌強

治舌強 穴 中衝 治舌縱 穴 然谷

治舌縱涎下煩逆溺難小腹急引陰痛股內廉痛

穴 陰谷 治舌下急 穴 天突

治口痛齧舌 穴 解谿

治挾舌縫脉青 穴 天突

治舌上黃身熱 穴 魚際

治舌強 穴 窦陰

治吐舌戾頸小兒吐舌舌強嗍妳不得 穴 陽谷

療吐舌 穴 滑肉門 少海 温溜

治舌強 穴 大迎 治吐舌 穴 曲賓 太一

治舌卷 穴 衡闡

治吐舌 穴 陽谿 二間 飛揚 温溜

治舌強 穴 瘡門 治舌急 穴 風府

治舌縱 穴 陰谷

治舌本出血 穴 扶突 大鍾 窦陰

治舌乾脹痛 穴 尺澤

治舌本痛 穴 中衝

治舌緩涎下煩悶 取足少陰

治重舌 刺舌注以銚鍼

治重舌 穴 行間灸隨年壯

治重舌極證

右用指去爪先從舌下筋上擦至根漸深深擦入
如此三次又用指蘸水取項後燕窠小坑中筋膜
自上趕下至小窟深深擦入亦三次小兒若飲乳
勝前則病去矣

治舌上出血如簪孔者

以錢掩臍下灸錢下際五十壯

治舌卒腫滿口噬乾如吹猪胞氣息不得通須臾不治

殺人 急以指刮破舌兩邊去汁即愈亦可鉗刀決

兩邊破之以瘡膏傅之

治舌卒腫

刺舌下兩邊大脉血出勿使刺着舌下中央脉血
出不止殺人如尚不愈或血出數升則燒鐵篦令
赤熨瘡數過以絕血也

牙疼

治齒痛惡寒 穴 曲池 大迎 觀竅 聽會

治牙齒痛不能言 穴 浮白

治上牙齒痛 穴 陽谷 正營

治下牙齒痛 穴 四瀆 陽谷 波門 商陽

二間

治牙齒不能嚼 穴 頰車 角孫

治風齒疼痛 外踝上高骨前交脉灸三壯或七壯驗

又以線量手中指下掌後橫文折為四分量橫文
後當臂中灸二壯愈隨左右

王氏云有老婦人舊患牙疼人皆教將兩手掌交叉以中指頭盡處為穴灸七壯永不疼恐是外關穴也穴在手少陽去腕後二寸陷中泉司梢子妻舊亦患牙人為灸手外踝穴近前些子遂永不疼但不知所謂外踝上者指足外踝耶手外踝耶識者當辨之

治牙車痛 穴 翳風

治牙痛頰頷腫 穴 大迎

治頰頷腫引牙車不得開 穴 曲鬢

治牙齒痛唇吻急強齒齶痛 穴 正營

治齒痛 穴 陽谿 懸顱 手三里

治齒痛惡寒 穴 商陽

治齒斷痛 穴 兮端 治牙痛 穴 腰陰俞

治寒熱齒斷腫風眩頸項痛 穴 少海

治風牙疼牙車不開口噤嚼物鳴 穴 上關

灸牙疼法 隨左右所患肩尖微近後骨縫中小舉

臂取之當骨解陷中灸五壯

王氏云予親灸數人皆愈灸畢項大痛良久乃定永
不發予親病齒痛百方不驗用此法瘥 又辛師舊
患傷寒方愈食青梅既而牙疼甚有道人為之灸屈
手大指本節後陷中灸三壯初灸覺病牙痒再灸覺
牙有聲三壯疼止今二十年矣後陽谿穴也 又云
治齒痛手陽明脈入齒縫中左疼灸右右灸左

治牙齒疼危氏方 灸兩手中指背第一節前有陷處

七壯下火立愈

治牙疼 穴合谷

治蛀牙方 凡蛀牙疼必須出之若無妙手其疼不可忍也無問上下但隨左右於牙闌齦車骨尖相時近裏以指捻之覺痛處是穴以艾火灸七壯瘡斂蛀牙自落其驗如神 又火灸脂索如錐以納蟲孔中便緣脂出

治牙疼 鍼內庭二穴如虫食疼者傅藥而愈

又分男左女右在肩頭上穴口中灸轉三遭左疼

灸右右疼灸左

治唇吻強齒斷痛 穴 先端

治骨槽風 於痛處耳中梗上灸

治齒病 灸肩髃七壯隨灸左右

又法 灸耳垂下牙疼骨上三壯未効加壯數

治牙齒疼痛 先以稻藁心量中指中節若手長却

將手掌下量及臂上兩段以艾灸之七五壯若左

邊牙疼灸右邊右邊牙疼灸左邊

治齒痛不惡清飲取足陽明惡清飲取手陽明

齒齶

療齒牙不嚼物齶痛腫

資生經

穴 角孫

療齒齶 穴 耳門

治齒齶痛 穴 三間 陽谷 衝陽 內庭

厲兑 四瀆 液門 上關

治齒齶痛 穴 三間 大迎 正營

治齒齶痛又治齒寒脹風頭痛 穴 少海

治齒齶 穴 合谷 偏歷 三陽絡 耳門

治齒齶 穴 完骨

治齒斷痛唇吻強上 穴 兮端 目窓 正營 耳門

治齒齶 穴 廉光 三間 衡陽 偏歷 少海

合谷 內庭 復溜

治齒齶 穴 曲鬚

療牙齒齶痛 穴 下關 大迎 翳風 完骨

傳曰唇亡齒寒謂前齒非牙也說文云齶齒蠹也謂

齒蠹而痛也其不因齲蠹而痛者蓋風寒入腦髓爾
素問謂大寒至骨髓故頭痛齒亦痛當以此治之

治齒齲

穴 曲鬚 衝陽

治上齒齲腫

穴 目窓

治上齒齲痛惡寒

穴 正營

治齒痛惡清

穴 三間

齒噤

治欬逆上氣喘息嘔沫齒噤

資生經

穴 天容 廉泉 魄戶 氣舍 譠誦 扶突

治口噤不能言 穴 曲鬚

治口噤 穴 天窪 翳風

治口噤舌根縮 穴 廉泉

治口噤不開 穴 合谷 列缺 頬車 禾髎

治風痙口噤 穴 大迎

治口噤不開暴惡不能言 穴 支溝

治僻噤 穴 外關 內庭 三里 商丘 大泉

治口噤不開引鼻中 穴 斷交 三關 大迎 翳風

治唇吻不收瘡不能言口噤不開 穴 合谷 水溝

治口噤不開 穴 曲鬚 商丘

療面風口不開口生瘡又治口噤 穴 承漿

療斷噤 穴 廉泉 療口噤鼓領 穴 兌端

療口噤不開 穴 翳風

療口不可開及尸厥 穴 素竈

咽喉腫痛

治咽喉痛

資生經

穴 風府

治咽痛食不下

穴 膽腧

治喉嚨痛

穴 風府

天窓 勞宮

治嗌痛

穴 中渚

支溝 內庭

治咽中痛不可納食

穴 通泉

大鍾

治咽中如扼

穴 間使

治咽喉痛

穴 腺關

治喉嚨痛

穴 天窓

治咽喉腫

穴 泉突

治嗌偏腫不可咽

穴 前谷

照海 中封

治喉腫 穴 中封

治嗌內腫氣走咽喉不能言 穴 然谷 太谿

治咽喉癰腫 穴 大迎

治咽腫 穴 太谿 中渚

治喉痺咽癰腫水漿不下 穴 環璣

治咽外腫寒厥背痛不能上下 穴 波門

治咽內腫 穴 然谷

治咽腫 穴 水突 氣舍

治喉中生瘡不得下食 穴 天突

治頸腫如升喉中閉塞水粒不下 穴 少商以三棱
針刺微出血淺諸陽藏熱次針陽谷二穴而愈

治喉腫胸脇支滿 穴 尺澤灸百壯

治喉腫厥逆五臟所苦鼓脹

灸承滿各五十壯老人加之小兒隨年壯

治咽腫難言 穴 天柱

治男子婦人咽閉腫痛不能言者

刺少商穴出血立愈如不愈以溫白湯口中含漱
是以熱導熱也

咽喉鳴

主喉鳴暴忤氣哽

資生經

穴 扶突

天突

太谿

主喉中鳴

穴 少商

大衝

經渠

治喉中焦乾

穴 魚際

治喉中如水雞聲

穴 天突 扶突

治喉中作聲

穴 天髎

治喉鳴 穴 大鍾 大包

治喉中鳴翕翕 穴 天突

療喉鳴 穴 陽陵泉 天池 豉中

主呼吸短氣咽中如息肉狀 穴 波門 四瀆

主嗌中有氣如息肉狀 穴 蠶溝 少府

主嗌內腫氣走咽喉 穴 然谷 太谿

治咽喉僵引項攣不收 穴 風池

治咽冷聲破 穴 天樞灸五十壯

咽喉乾

治咽喉乾

資生經

穴極泉 太淵 偏歷 太衝 天突

治喉乾燥寒慄鼓頸欬引尻痛溺出嘔血 穴魚際

治喉乾煩渴 穴行間

治咽乾不嗜食 穴神門

治嗌乾四肢墮善悲不樂 穴照海

治咽酸 穴少衝 治咽乾 穴少澤 太谿

主嗌乾 穴復溜 照海 太衝 中封

喉痺

治喉痺脇中暴逆

資生經

先取衝脈後取三里雲門

各鴻之又刺手小指端出血立已

治喉痺不能言

穴 三里 温溜 曲池 中渚 豐隆

治喉痺 穴 神門 合谷 風池

治喉痺頸項腫不可俛仰頰腫引項後

穴 完骨 天牖 前谷

治喉痺腫水漿不下 穴 環璣 鳩尾

治喉痺哽噎咽腫不得消飲食不下

穴 天鼎 氣舍 脾腧

治喉痺哽咽寒熱 穴 湧泉 然谷

治喉痺脅滿塞寒 穴 中府 陽谷

治喉痺哽咽寒熱 穴 天容 缺盆 大杼

膈腧 雲門 尽澤 二間 厥兌 湧泉 然谷

治喉痺咽如哽 穴 三間 陽谿

治喉痺咽乾急 穴 天突

治喉痺舌卷口乾 穴 大陵 偏歷

治喉痺 穴 陽輔 穴 關衝 窦陰 少澤

治喉痺 穴 陽交 厲兌 下廉 然谷

經渠 完骨 脾腧 缺盆 氣舍 雲門

陽谿 合谷 溫溜 中府 浮白

治喉痺煩滿 穴 大杼

治喉痺寒熱咽中如鯁 穴 天容

治喉痺咽腫不得飲食不下喉鳴 穴 天鼎

治頸腫喉痺 穴 前谷

治喉痺頸腫肩背痛振寒 穴 二間

治喉痺不能言 穴 曲池

治喉痺舌強口乾肘不舉 穴 窦陰

治喉痺舌強口乾心煩 穴 少澤

治喉痺口乾身熱頭痛短氣胃脇痛 穴 大陵

療寒熱喉痺 穴 浮白

療喉痺 穴 脾腧 經渠

療喉痺咽如有物傷恐振寒又治喉痺咽腫多卧善睡

穴二間

治喉痺氣逆欬嗽口中涎唾

灸肺腧七壯亦可隨年壯至百壯

治急喉閉纏喉風

灸三里穴二七壯三七壯有人嘗苦喉痺雖水亦不能下咽灸三里而愈 又隨腫一邊於大指外

邊指甲上與根齊鍼之不問男左女右只用人家
常使針血出即効如大段為急兩大指都針尤妙
治喉痺 以砭針刺腫處出血立効

治咽喉病 刺手小指爪文中出三豆大許血逐左
右刺皆須慎麴毒物

治咽喉諸症及毒氣歸心等項惡症並皆治之無有不
効

第一穴風府穴腦後入髮際一寸針入四分穴高

主暉恐傷人不可不知須令人扶護乃針 第二
穴少商穴在手大指表虎口一邊指甲與根齊離
爪如韭葉許針入二分病甚則入五分 第三穴
合骨穴治口撮治牙關不開則陽靈穴應針各刺
一刺出血入二分關竅即閉又有一症潮熱者有
作寒者於合谷穴用針左轉發寒右轉發熱 第
四穴是上星穴在項前入髮際一寸治頰腫及癰
喉風等症又氣急者實熱針足三里虛熱灸足三

里以手約膝取中指稍盡處是穴根脚咽喉常發者耳垂珠下半寸近腮骨灸七壯二七尤妙及灸足三里穴在膝下三寸筋骨外

治喉痺

穴

豐隆

湧泉

關衝

如病甚以小三稜鍼藏於筆頭中誑以黑藥於喉中痺上急刺之則有紫血頓出効如不藏針恐患人難以刺之

治喉痺及毒氣

穴 尺澤灸百壯



普濟方卷四百十九